



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 6. Sessio IV.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

uberrima in dicendo facundia, qua inter Sæcul. XV.
Græcos eminebat, quicquam eidem suf- A. C. 1439.
fragaretur.

§. VI.

Sessio quarta Florentinæ Synodi

Die Sabbati septima mensis Martii cele- Ibid. p. 279.
brata est Sessio quarta, in qua Joannes Marcum Ephesinum velut fulmine tactum vehementer percussit, dum ex pluribus pervetustis Sancti Basilii codicibus, qui tam Constantinopoli, quam ex aliis Græciæ urbibus consulto afferebantur, hunc Sanctum Doctorem in suis contra Eunomium libris Spiritum sanctum non S. Basil. l. 3.
solum a Patre, sed simul a Filio procedere, disertis omnino verbis docuisse, manifeste ostendit, ac præterea insignem Græcorum perfidiam, qui in ejusdem sancti Patris exemplaribus verbum, *Filioque*, studiose expunxerant, clare detexit. Cum vero Marcus, quid ad hæc responderet, non inveniret, Imperator Nationis suæ honori consulturus, Joannem interpellavit, dicens, nequaquam standum esse codicibus hisce in medium adductis; plurimos enim alios in Græcia reperiri, in quibus absque omni depravationis nota, vox illa desideraretur; *Verum Domine Imperator*, reposuit singulari modestia Cardinalis Julianus, *cum decreveritis ad certam*

tamam

Sæcul. XV. *tamen venire, oportuit Magnificentiam vestram arma vestra vobiscum adducere, non in certamine ipsa expectare.* Hæc nobis relata reliquit S. Antoninus, qui hisce disputationibus ipsum sese interfuisse testatur.

S. Antonin.
tit. 22. c. 11.

§. VII.

Sessio quinta Synodi Florentinæ.

Labbe Conc.
tom. 13. p.
303.

Sessione proxima, quæ erat quinta, decima mensis Martii feria celebrata, rursus de testimonio S. Basilii agebatur. Marco disputationem auferenti Joannes confestim solido responso occurrit, pluribus itidem confirmans, quæ in præcedenti Sessione dixisset, ac idem demonstrans, hanc esse mentem S. Basilii, & sententiam verissimam, quod Spiritus sanctus æque a Filio ac Patre procedat, in cujus argumentum unum de ejus libris produxit, in quo S. Basilii in homilia de Spiritu sancto Latinorum sententiam diserte tradidit. Disceptatio hæc usque adeo protracta est, ut Imperator eam tandem absolvi petierit, eoquod Græcis respondendi tempus haud amplius suppeteret. Quocirca dimissa Synodo decretum est, ut Sabbato convenirent.

§. VIII.

Sessio sexta Concilii Florentini.

Ergo die Sabbati decima quarta Martii